

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

«Коми Республикаын библиотека удж да документъяслӧн быть колана экземпляр юкӧнын ӧткымын юалӧм йылысь» Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса
Каналан Сӧветӧн

2022 вося кӧч тӧлысь 22 лунӧ

1 статья. Пыртны «Коми Республикаын библиотека удж да документъяслӧн быть колана экземпляр юкӧнын ӧткымын юалӧм йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2008, 7 №, 331 ст.; 2010, 10 №, 200 ст.; 2014, 17 №, 310 ст.; 35 №, 727 ст.; 2015, 21 №, 279 ст.; 2016, 21 №, 319 ст.) татшӧм вежсьӧмъяс:

1. 4 статьяын:

1) 7 пунктын «(печатнӧй, аудиовизуальнӧй, электроннӧй).» кывъяс вежны «(печатнӧй, аудиовизуальнӧй, электроннӧй);» кывъясӧн;

2) содтыны татшӧм сюрӧса 8 пункт:

«8) документъяс, кутшӧмъясӧс дасьтӧны да кутшӧмъясӧн вӧдитчӧны стандартизация серти национальнӧй системаын, технико-экономическӧй да социальнӧй юӧрлӧн ставроссияса классификаторъяс, правилӧяслӧн сводъяс (водзӧ – стандартъяс).».

2. 6 статья гижны тадзи:

«6 статья

1. Документъяс лӧсьӧдысьяс вайӧны печать да юӧр сетан юалӧмъяс серти Коми Республикаса Вескӧдлан котырӧн уполномочитӧм Коми Республикаса олӧмӧ пӧртысь власьт органӧ тиражлысь медводдза партия йӧзӧдан лунӧ став сикас печатнӧй изданиелысь быть колана экземпляръяссӧ.

2. Документъяс лӧсьӧдысьяс сы могысь, медым водзӧ вылӧ юклены тайӧ Оланпаслӧн 7 статьяӧн урчитӧм пӧрадокын изданиеяссӧ, вайӧны «Коми Республикаса национальнӧй библиотека» канму учреждениеӧ куим быть колана экземплярӧн татшӧм сикас печатнӧй изданиеяслысь:

1) тиражлысь медводдза партиясӧ йӧзӧдан лунӧ:

роч кывья республиканскӧй газетъяс;

муниципальнӧй юкӧнъяслысь роч кывья уна тиража газетъяс да рекламнӧй изданиеяс;

Россия Федерацияса войтырлӧн кывъяс вылын (роч кындзи) да суйӧрсайса кывъяс вылын газетъяс;

2) тиражлысь медводдза партиясö йöзöдан лунсянь сизим лун чöжөн:

роч кывъя небöгъяс да брошюраяс, журналъяс да водзö нуöдан изданиеяс;

роч кывъя изоизданиеяс, нотнöй изданиеяс, географическöй картаяс да атласъяс;

Россия Федерацияса войтырлөн кывъяс вылын (роч кындзи) да суйöрсайса кывъяс вылын небöгъяс да брошюраяс, журналъяс да водзö нуöдан изданиеяс, изоизданиеяс, географическöй картаяс да атласъяс;

текстъяса листöвöй изданиеяс;

диссертацияслысь авторефератъяс да научнöй докладъяс сикасын диссертацияяс;

стандартъяс.

3. Документъяс лöсьöдысьяс печатнöй изданиеяслөн тиражлысь медводдза партиясö йöзöдан лунсянь сизим лун чöжөн вайöны «Коми Республикаса национальнöй библиотека»канму учреждениеö юöртан да телекоммуникация везъясөн вöдитчöмөн электроннöй формаын печатнöй изданиеяслысь кык быть колана экземплярсö, кутшöмъясöс эскöдöма документ лöсьöдысьлөн квалифицированнöй электроннöй кырымпасөн.

4. Документъяс лöсьöдысьяс ыстöны тиражлысь медводдза партиясö йöзöдöм бöрын кык лун чöжөн «Синтöмъяслы Луи Брайль нима Коми республиканскöй торъя библиотека»канму учреждениеö синтöмъяслы да омöля аддзысьяслы кык быть колана экземплярөн.

5. Йöзöдтöм документъяс лöсьöдысьяс диссертацияяс доръян да учёнöй степень сетан, научно-исследовательскöй да опытно-конструкторскöй да технологическöй уджъяс йылысь отчётъяс вынсьöдан, алгоритмъяс да уджтасъяс дасътыны помалан лунсянь комын лунөн вайöны «Коми Республикаса национальнöй библиотека»канму учреждениеö документъяслысь öти быть колана экземплярсö.

6. Документъяс лöсьöдысьяс вайöны «Коми Республикаса национальнöй библиотека»канму учреждениеö электроннöй изданиеяслысь öти быть колана экземплярсö.

7. Быть колана экземплярö вермасны пырны комбинированнöй документъяс да документъяс, кöни эм уна пöлöс носитель вылын öткодъ, пасйöм юөр.

Быть колана экземплярсö, кöни эмöсь комбинированнöй документъяс, колö ыставны быть колана экземпляръяс босьтысьяслы öти комплектөн тайö Оланпаслөн тайö статья да 8 статья серти.»

3. 7 статья гижны тадзи:

«7 статья

1. «Коми Республикаса национальнöй библиотека»канму учреждение юклö тайö Оланпасын 6 статьяса 2 юкөнөн урчитöм документъяслысь быть колана экземпляръясö татшöм пöрадокын:

1) документъяслысь 1 быть колана экземплярсö сетöны «С.Я. Маршак нима Коми Республикаса челядьлы национальной библиотека» канму учреждениеö;

2) документъяслысь 1 быть колана экземплярсö сетöны «Том йöзлы Коми республиканскöй библиотека» канму учреждениеö.

2. Документъяслöн быть колана кольöм экземпляръясыс кольöны «Коми Республикаса национальной библиотека» канму учреждениеын.».

2 статья. Тайö Оланпасыс вынсялö сійöс официальнöя йöзöдан лунсянь.

Коми Республикаса Юралысь

В.В. Уйба

Сыктывкар

2022 вося кöч тöлысь 28 лун

82-РЗ №